

春秋義存錄

春秋義存錄第十一卷

平湖後學陸奎勲坡星輯 姪

紹宗超亭 同
錦雲彩紋

定公

名宋襄公子昭公弟在位十有五年

周敬王十一年歲在元貳執徐 元年

春王

此年正月從周正也王字不應讀斷定公未即位王正月無事則書王三月晉人執宋仲幾之事公穀強為讀斷而

三月晉人執宋仲幾于京師

此大夫專執之始

春王正月辛巳晉魏舒合諸侯之大夫于狄泉將以城成周
魏子泄政衛彪侯曰將建天子而易位以令非義也大事

奸義必有大咎晉不失諸侯魏子其不免乎是行也魏獻子局役於韓簡子及原壽過而田於大陸焚焉還卒於甯范獻子去其柏椁以其未復命而田也孟懿子會城成周庚寅裁宋仲幾不受功曰滕薛卿吾役也薛宰曰宋爲無道絕我小國於周以我適楚故我常從宋晉文公爲踐土之盟曰凡我同盟各復舊職若從踐土若從宋亦唯命仲幾曰踐土固然薛宰曰薛之皇祖奚仲居薛以爲夏車正奚仲遷于邳仲虺居薛以爲湯左相若復舊職將承王官何故以役諸侯仲幾曰三代各異物薛焉得有舊爲宋役亦其職也士彌牟曰晉之從政者新子姑受功歸吾親故府仲幾曰縱子忘之山川鬼神其忘諸乎士伯怒謂韓

簡子曰薛徵於人宋徵於鬼宋罪大矣且已無辭而抑我以神誣我也啓寵納侮其此之謂矣必以仲幾爲戮乃執仲幾以歸三月歸諸京師城三旬而畢乃歸諸侯之戍齊高張後不從諸侯晉女叔寬曰周襄以齊高張皆將不免襄叔違天高子違人天之所壞不可支也衆之所爲不可奸也

左傳

子曰終日言不遺已憂終日行不遺已患唯智者有之故恐懼所以除患也恭敬所以越難也終日爲之一言敗之可以不

謹乎

詩外傳

夏六月癸亥公之喪至自乾侯戊辰公卽位

夏叔孫成子

叔孫舍子

逆公之喪于乾侯季孫日子家子亟言於

我未嘗不中吾志也吾欲與之從政子必止之且聽命焉
子家子不見叔孫易幾而哭叔孫請見子家子子家子辭
曰羈未得見而從君以出君不命而薨羈不敢見叔孫使
告之曰公衍公爲實使羣臣不得事君若公子宋主社稷
則羣臣之願也凡從君出而可以入者將唯子是聽子家
氏未有後季孫願與子從政此皆季孫之願也使不敢以
告對曰若立君則有卿士大夫與守龜在羈弗敢知若從
君者則貌而出者入可也寇而出者行可也若羈也則君
知其出也而未知其入也羈將逃也喪及壞隤公子宋先
入從公者皆自壞隤反

左傳

曾子問曰昔古疆以三年之戒以禕從君薨其入如之何孔子

曰共殯服則子麻弁經疏衰菲杖入自闕升自西階如小斂則子免而從柩入自門升自阼階君大夫士一節也

曾子問

或謂孔子曰子奚不爲政子曰書云孝乎惟孝友于兄弟施于有政是亦爲政奚其爲爲政

論語

秋七月癸巳葬我君昭公

八月乃葬

季氏使役如闕公氏將溝焉榮駕鵝曰生不能事死又離之以自旌也繼子忍之後必或恥之乃止季孫問於榮駕鵝曰吾欲爲君諡使子孫知之對曰生弗能事死又惡之以自信也將焉用之乃止秋七月癸巳葬昭公於墓道南孔子之爲司寇也溝而合諸墓

左傳

先時季氏葬昭公于墓道之南孔子溝而合諸墓焉謂季桓子

曰貶君以彰己罪非禮也今合之所以揜夫子之不臣家語

九月大雩

立煬宮

昭公出故季平子禱于煬公九月立煬宮左傳

義同成六年立武宮

冬十月隕霜殺菽

二年

春王正月

夏五月壬辰雉門及兩觀災

秋楚人伐吳楚伐吳止此

冬十月新作雉門及兩觀

義見傳二十
年新作南門

三年

春王正月公如晉至河乃復

二月辛卯邾子穿卒

公穀作三月

夏四月

秋葬邾莊公

六月而葬緩

冬仲孫何忌及邾子盟于拔

拔公作拔

冬盟于邾

邾莊公

修邾好也

左傳

邾莊公在長而與何忌盟
義見桓十三年葬衛宣公

四年

春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚

晉楚兵
交止此

春三月劉文公合諸侯于召陵謀伐楚也晉荀寅求貨於蔡侯弗得言於范獻子曰國家方危諸侯方貳將以襲敵不亦難乎水潦方降疾癘方起中山不服棄盟取怨無損於楚而失中山不如辭蔡侯吾自方城以來楚未可以得志祇取勤焉乃辭蔡侯晉人假羽旄於鄭鄭人與之明日或施以會晉於是乎失諸侯

左傳

案劉文公以楚立子朝合十七國之師伐楚與僖四年召陵之盟義可參觀荀寅以賂貨盟師義同莊六年齊人伐衛歸衛

夏四月庚辰蔡公孫姓帥師滅沈以沈子嘉歸殺之

姓公作歸姓

五月公及諸侯盟于臯鼫

公作浩鴻程子云公以不獲見于晉故因會而求盟

杞伯成卒于會

成公作戊

六月葬陳惠公

許遷于容城

秋七月公至自會

劉卷卒

劉子與盟召陵故其卒也來赴於魯而魯史書之耳孔義既問公羊以為我主之穀梁以為為諸侯主皆未可從

葬杞悼公

楚人圍蔡

為沈沈故

晉士鞅衛孔圉帥師伐鮮虞

圉公作圉

葬劉文公

冬十有一月庚午蔡侯以吳子及楚人戰于柏舉楚師敗績楚

囊瓦出奔鄭

柏舉公作伯
呂穀作伯舉

伍員爲吳行人以謀楚楚之殺卻宛也伯氏之族出伯州犁
之孫嚭爲吳太宰以謀楚楚自昭王卽位無歲不有吳師
蔡侯因之以其子乾與其大夫之子爲質於吳冬蔡侯吳
子唐侯伐楚舍舟於淮汭自豫章與楚夾漢左司馬戍謂
子常曰子汭漢而與之上下我悉方城外以毀其舟還塞
大隧直轅冥阨子濟漢而伐之我自後擊之必大敗之旣
謀而行武城黑謂子常曰吳用木也我用革也不可久也
不如速戰史皇謂子常楚人惡子而好司馬若司馬敗

舟於淮塞城口而入是獨克吳也子必速戰不然不免乃
濟漢而陳自小別至於大別三戰子常知不可欲奔史皇
曰安求其事難而逃之將何所入子必死之初罪必盡說
十一月庚午二師陳于柏舉闔廬之弟夫槩王晨請於闔
廬曰楚瓦不仁其臣莫有死志先伐之其卒必奔而後大
師繼之必克弗許夫槩王曰所謂臣義而行不待命者其
此之謂也今日我死楚可入也以其屬五千先擊子常之
卒子常之卒奔楚師亂吳師大敗之子常奔鄭史皇以其
乘廣死

左傳

庚辰吳入郢

郢公穀
作楚

吳從楚師及清發將擊之夫槩王曰困獸猶鬪況人乎若知不

免而致死必敗我若使先濟者知免後者慕之蔑有鬪心
矣半濟而後可擊也從之又敗之楚人爲食吳人及之奔
食而從之敗諸雍澨五戰及郢已卯楚子取其妹季芊畀
我以出涉睢鍼尹固與王同舟王使執燧象以奔吳師庚
辰吳入郢以班處宮子山處令尹之宮夫槩王欲攻之懼
而去之夫槩王入之左司馬戍及息而還敗吳師于雍澨
傷初司馬臣闔廬故恥爲禽焉謂其臣曰誰能免吾首吳
句卑曰臣賤可乎司馬曰我實失子可哉三戰皆傷曰吾
不可用也已句卑布裳剄而裹之藏其身而以其首免楚
子涉睢濟江入于雲中王寢盜攻之以戈擊王王孫由于
以背受之中肩王奔鄖鍾建負季芊以從由于徐蕞而

鄖公辛之弟懷將弑王曰平王殺吾父我殺其子不亦可乎辛曰君討臣誰敢讐之君命天也若死天命將誰讐詩曰柔亦不茹剛亦不吐不侮矜寡不畏彊禦唯仁者能之違彊陵弱非勇也乘人之約非仁也滅宗廢祀非孝也動無令名非知也必犯是余將殺汝鬬辛與其弟巢以王奔隨初伍員與申包胥友其亡也謂申包胥曰我必復楚國申包胥曰勉之子能復之我必能與之及昭王在隨申包胥如秦乞師曰吳爲封豕長蛇以荐食上國虐始於楚寡君失守社稷越在草莽使下臣告急曰夷德無厭若鄰於社疆場之患也逮吳之未定君其取分焉若楚之遂亡君之上也若以君靈撫之世以事君秦伯使辭焉曰寡人聞

命矣子姑就館將圖而告對曰寡君越在草莽未獲所伏
下臣何敢即安立依於庭牆而哭日夜不絕聲勺飲不入
口七日秦哀公爲之賦無衣九頓首而坐秦師乃出

左傳

昔楚昭王與吳戰敗亡其跣履行三十步而返取之曰吾悲與
之俱出而不與之俱入也孔子游于少原之野見婦人斬著
而亡簪哭之甚哀孔子曰何悲也婦人曰非悲亡簪吾所悲
者故耳夫江漢之君猶懷墮履少原之婦哭其亡簪皆懷故
也

賈傳新書

案吳楚構兵已久重以蔡昭之請伍員之謀非入郢不能
洩其憤也若公羊云妻楚王之母穀梁云撻平王之墓則
其事近誣矣義見隱五
年宋人伐鄭圍長葛

五年

春王三月辛亥朔日有食之

公作正月

歸罪于蔡

於趙入吳

林註於發聲也乘吳在楚而入其國

六月丙申季孫意如卒

六月季平子行東野還未至丙申卒于房陽虎將以璵璠歛

仲梁懷弗與曰改步改玉陽虎欲逐之告公山不狃不狃

曰彼爲君也子何怨焉旣葬桓子行東野及費子洩爲費

宰逆勞於郊桓子敬之勞仲梁懷仲梁懷弗敬子洩怒謂

陽虎子行之乎

左傳

季平子卒將以君之璵璠斂贈以珠玉孔子初爲中都宰聞之

曰魯而救焉曰送死而以寶玉是猶曝尸於中原也其示民

以姦利之端而有害於死者安用之且孝子不順情以危親

忠臣不兆姦以陷君乃止

家語

孔子曰天下無道則禮樂征伐自諸侯出自諸侯出蓋十世希不失矣自大夫出五世希不失矣陪臣執國命三世希不失矣

矣

論語

季孟之權三桓之富不可及也孔子謂之曰微爲人臣權均于君富侔于國者亡故其位彌高而罪彌重祿滋厚而罪滋多

論語

秋七月壬子叔孫不敢卒

冬晉士鞅帥師圍鮮虞

六年

春王正月癸亥鄭游速帥師滅許以許男斯歸

速公作遊林許斯執元公成立

二月公侵鄭

二月公侵鄭取匡爲晉討鄭之伐胥靡

周邑

也往不假道於衛

及還陽虎使季孟自南門入出自東門舍於豚澤衛侯怒使彌子瑕追之公叔文子老矣輦而如公曰尤人而效之非禮也昭公之難君將以文之舒鼎成之昭兆定之盤盥苟可以納之擇用一焉公子與二三臣之子諸侯苟憂之將以爲之質此羣臣之所聞也今將以小忿蒙舊德無乃不可乎太姒之子唯周公康叔爲相睦也而效小人以棄之不亦誣乎天將多陽虎之罪以斃之君姑待之若何乃止

左傳

義見五年季孫
意如卒第二條

公至自侵鄭

夏季孫斯仲孫何忌如晉

夏季桓子如晉獻鄭俘也陽虎彊使孟懿子往報夫人之幣
晉人兼享之孟孫立於房外謂范獻子曰陽虎若不能居
魯而息肩於晉所不以爲中軍司馬者有如先君獻子曰
寡君有官將使其人鞅何知焉獻子謂簡子曰魯人患陽
虎矣孟孫知其讐以爲必適晉故彊爲之請以取入焉

傳

左

案二卿並使陽虎之
專也義同前公侵鄭

秋晉人執宋行人樂祁犁

秋八月宋樂祁言於景公曰諸侯唯我事晉今使不往晉其憾矣樂祁告其宰陳寅陳寅曰必使子往他日公謂樂祁曰唯寡人說子之言子必往陳寅曰子立後而行吾室亦不亡唯君亦以我爲知難而行也見溷而行趙簡子逆而飲之酒於綿上獻楊楯六十於簡子陳寅曰昔吾主范氏今子主趙氏又有納焉以楊楯賈禍弗可爲也已然子死晉國子孫必得志於宋范獻子言於晉侯曰以君命越疆而使未致使而私飲酒不敬二君不可不討也乃執樂祁

左傳

義見莊六年齊人來歸衛俘

冬城中城

季孫斯仲孫忌帥師圍郕

杜註何忌不言何闕文

七年

春王正月

夏四月

秋齊侯鄭伯盟于鹹

諸侯始復特盟叛晉也

齊人執衛行人北宮結以侵衛

齊侯衛侯盟于沙

公作沙澤此齊衛合黨之始

大雩

齊國夏帥師伐我西鄙

九月大雩

案薛氏季宣曰一秋而兩大雩僭瀆之甚也義同昭二十五年秋七月上辛大雩季辛又雩

冬十月

八年

春王正月公侵齊

春王正月公侵齊門于陽州士皆坐列曰顏高之弓六鈞皆取而傳觀之陽州人出顏高奪人弱弓箭籍正子鉏擊之與一人俱斃偃且射子鉏中頰殪顏息射人中眉退曰我無勇吾志其目也師退冉猛僞傷足而先其兄會乃呼曰猛也殿

左傳

子曰善人教民七年亦可以卽戎矣又曰以不教民戰是謂棄之

論語

公至自侵齊

二月公侵齊

三月公至自侵齊

曹伯露卒

夏齊國夏帥師伐我西鄙

案高氏曰云以公不與鹹沙之盟且報此春之再侵也義見莊十年秋九月荆敗蔡師于莘

公會晉師于瓦

公至自瓦

秋七月戊辰陳侯柳卒

晉士鞅帥師侵鄭遂侵衛

士公作趙

晉師將盟衛侯于鄆澤趙簡子曰羣臣誰敢盟衛君者涉佗

成何曰我能盟之衛人請執牛耳成何曰衛吾溫原也

得視諸侯將歆涉佗掇衛侯之手及挽衛侯怒王孫賈趨
進曰盟以信禮也有如衛君其敢不唯禮是事而受此盟
也衛侯欲叛晉而患諸大夫王孫賈使次于郊大夫問故
公以晉詬語之且曰寡人辱社稷其改卜嗣寡人從焉大
夫曰是衛之禍豈君之過也公曰又有患焉謂寡人必以
而子與大夫之子爲質大夫曰苟有益也公子則往羣臣
之子敢不皆負羈縲以從將行王孫賈曰苟衛國有難工
商未嘗不爲患使皆行而後可公以告大夫乃皆將行之
行有日公朝國人使賈問焉曰若衛叛晉晉五伐我病何
如矣皆曰五伐我猶可以能戰賈曰然則如叛之病而後
質焉何遲之有乃叛晉晉人請改盟弗許秋晉士鞅會成

桓公侵鄭圍蟲牢報伊闕也遂侵衛

左傳

子言衛靈公之無道也康子曰夫如是奚而不喪孔子曰仲叔

圉治賓客祝鮀治宗廟王孫賈治軍旅夫如是奚其喪

論語

葬曹靖公

九月葬陳懷公

三月而葬速

季孫斯仲孫何忌帥師侵衛

晉故也

冬衛侯鄭伯盟于曲濮

從祀先公

季寤公鉏極公山不狝皆不得志於季氏叔孫輒無寵於叔

孫氏叔仲志不得志於魯故五人因陽虎陽虎欲去三桓

以季寤更季氏以叔孫輒更叔孫氏已更孟氏冬十月順

祀先公而祈焉辛卯禘于僖公

左傳

案胡傳主蜀人馮山之說以昭公至是始得從祀於太廟其說是也特事出陽虎托於正以倡亂耳義見季孫意如

季第
二條

盜竊寶玉大弓

壬辰將享季氏于蒲圃而殺之戒都車曰癸巳至成宰公斂處父告孟孫曰季氏戒都車何故孟孫曰吾弗聞處父曰然則亂也必及於子先備諸與孟孫以壬辰爲期陽虎前驅林楚御桓子虞人以鉞盾夾之陽越殿將如蒲圃桓子昨謂林楚曰而先皆季氏之良也爾以是繼之對曰臣聞命後陽虎爲政魯國服焉違之徵死死無益於主桓子曰何後之有而能以我適孟氏乎對曰不敢愛死懼不免主

桓子曰往也孟氏選國人之壯者三百人以爲公期築室
於門外林楚怒馬及衢而騁陽越射之不中築者闔門有
自門間射陽越殺之陽虎刼公與武叔以伐孟氏公歛處
父帥成人自上東門入與陽氏戰於南門之內弗勝又戰
於棘下陽氏敗陽虎說甲如公宮取寶玉大弓以出舍於
五父之衢寢而爲食其徒曰追其將至虎曰魯人聞余出
喜於徵死何暇追余從者曰嘻速駕公歛陽在公歛陽請
追之孟孫弗許陽欲殺桓子孟孫懼而歸之子言辨舍爵
於季氏之廟而出陽虎入于謹陽闢以叛

左傳

孔子曰自大夫出五世希不失矣季孫行父自信公時得魯政
至平子意如逐昭公於乾侯終季孫意如八年卒於乾侯所

伐仲尼既言諸侯十世又言大夫五世者斥魯君臣皆失道也

韓子論語筆解

九年

春王正月

夏四月戊申鄭伯薨卒

薨公作薨

得寶玉大弓

夏陽虎歸寶玉大弓六月伐陽關陽虎使焚萊門師驚犯之而出奔齊請師以伐魯曰三加必取之齊侯將許之鮑文子諫曰臣嘗爲隸於施氏矣魯未可取也上下猶和衆庶猶睦能事大國而無天菑若之何取之陽虎欲勤齊師也齊師罷大臣必多死亡已於是乎奮其詐謀夫陽虎有寵於季氏而將

殺季孫以不利魯國而求容焉親富不親仁君焉用之君富於季氏而大於魯國茲陽虎所欲傾覆也魯免其疾而君又收之無乃害乎齊侯執陽虎將東之陽虎願東乃囚諸西鄙盡借邑人之車鑿其軸麻約而歸之載蔥靈寢於其中而逃追而得之囚於齊又以蔥靈逃奔宋遂奔晉適趙氏仲尼曰趙氏其世有亂乎

左傳

陽虎既奔齊自齊奔晉適趙氏孔子聞之謂子路曰趙氏其世有亂乎子路曰權不在焉豈能爲亂孔子曰非汝所知夫虎親富不親仁有寵於季孫又將殺之不克而奔求容於齊人囚之乃亡歸晉是齊魯二國已去其疾趙簡子好利而多信必溺其說而從其謀禍敗所終非一世可知也

家語

六月葬鄭獻公

三月而葬速

秋齊侯衛侯次于五氏

秦伯卒

史失其名後同

冬葬秦哀公

十年

春王三月及齊平

夏公會齊侯于夾谷公至自夾谷

夾公穀作類

夏公會齊侯于祝其實夾谷孔丘相犁彌言於齊侯曰孔丘知

禮而無勇若使萊人以兵劫魯侯必得志焉齊侯從之孔丘

以公視曰士兵之兩君合好而裔夷之俘以兵亂之非齊君

所以命諸侯也裔不謀夏夷不亂華俘不干盟兵不偏好於

神爲不祥於德爲愆義於人爲失禮君必不然齊侯聞之遽
辟之將盟齊人加於載書曰齊師出竟而不以甲車三百乘
從我者有如此盟孔丘使茲無還揖對曰而不反我汶陽之
田吾以共命者亦如之齊侯將享公孔丘謂梁丘據曰齊魯
之故吾子何不聞焉事旣成矣而又享之是勤執事也且犧
象不出門嘉樂不野合享而旣具是棄禮也若其不具用秕
稗也用秕稗君辱棄禮名惡予盍圖之夫享所以昭德也不
昭不如其已也乃不果享齊人來歸鄆謹龜陰之田

左傳

離會不致何爲致也危之也危之則以地致何也爲危之也其
危奈何曰頰谷之會孔子相焉兩君就壇兩相相揖齊人鼓
譟而起欲以執魯君孔子歷階而上不盡一等而視歸乎齊

報
報
報

晉趙鞅帥師圍衛

齊人來歸鄆謹龜陰田

田上穀有之字

齊人曷為來歸鄆謹龜陰田孔子行乎季孫三月不違齊人

為是來歸之

公羊傳

齊強於天下伐盟主合諸侯於鄆陵矣於是願歸田則以孔子

相夾谷之會也謂春秋之諸侯不足用為善者是不即人心

之論子故曰如有用我者期月而已可也

原傳良春秋後傳

叔孫州仇仲孫何忌帥師圍郕

州仇不敢子侯犯叛故

秋叔孫州仇仲孫何忌帥師圍郕

郕公作費訛圍之弗克故入秋而再圍也

宋樂大心出奔曹

宋公子地出奔陳

地公作池

義見後宋公之弟長出奔陳

冬齊侯衛侯鄭游速會于安甫

安甫公作章

叔孫州仇如齊

謝致邾也

宋公之弟辰暨仲佗石彊出奔陳

暨字下公穀有宋字

宋公子地嬖蘧富獵十一分其室而以其五與之公子地有白馬四公嬖向魋魋欲之公取而朱其尾鬣以與之地怒使其徒扶魋而奪之魋懼將走公閉門而泣之目盡腫母弟辰曰子分室以與獵也而獨卑魋亦有頗焉子爲君禮不過出竟君必止子公子地出奔陳公弗止辰爲之請弗聽辰曰是我廷吾兄也吾以國人出君誰與處冬母弟辰暨仲佗石彊出奔陳

左傳

義見文七年宋人殺其大夫

十有一年

春宋公之弟辰及仲佗石彊公子地自陳入于蕭以叛

夏四月

秋宋樂大心自曹入于蕭

冬及鄭平叔還如鄭涖盟

叔還叔弓曾孫及鄭平魯亦背晉矣

十有二年

春薛伯定卒

夏葬薛襄公

叔孫州仇帥師墮郕

義見後墮費

衛公孟彊帥師伐曹

季孫斯仲孫何忌帥師墮費

仲由爲季氏宰將墮三都於是叔孫氏墮邾季氏將墮費公
山不狃叔孫輒帥費人以襲魯公與三子入於季氏之宮
登武子之臺費人攻之弗克入及公側仲尼命申句須樂
頤下伐之費人北國人追之敗諸姑蔑二子奔齊遂墮費
左傳

郈費之宰三大夫數叛患之以問孔子孔子曰陪臣執國命采
民數叛者邑有城池之固家有甲兵之藏故也季氏說而墮
郈費何休公羊註

概大焉

冬十月癸亥公會齊侯盟于黃

齊公作
晉訛

十有一月丙寅朔日有食之

公至自黃

十有二月公圍成公至自圍成

將墮成公歛處父謂孟孫墮成齊人必至於北門且成孟氏之保障也無成是無孟氏也子偽不知我將不墮冬十二月

公圍成弗克

左傳

美見前

墮成

孔子與聞魯國之政齊人懼曰孔子爲政必伯伯則吾地近焉我爲之先并矣盡致地焉犁鉏曰請先沮之沮之不可致地庸遲乎於是選國中女子八十人皆衣文衣舞雩樂馬三十駟以遺魯君魯君游觀終日卒受之三日不朝

子遂行師已迷之曰夫子則非罪孔子曰吾歌可夫歌曰
彼婦之口可以出走彼婦之謁可以死敗游哉優哉聊以
卒歲師已反季桓子曰孔子何言師已以實告桓子歎曰
夫子罪我以羣婢故也

史記

孔子遭君暗臣亂衆邪在位政道隔於王家仁義閉於公門
故作公陵之歌傷無權力於世大化絕而不通道德施而
不用故曰無如之何者吾末如之何也已矣

陸賈新語

十有三年

春齊侯衛侯次于垂葭

穀無衛侯字
葭公作瑕

夏築蛇淵囿

案季氏本云孔子去而君臣
志荒矣義同昭九年築郎囿

大蒐于比蒲

義同昭十一年
大蒐于比蒲

衛公孟彊帥師伐曹

秋晉趙鞅入于晉陽以叛

晉趙鞅謂邯鄲午曰歸我衛貢五百家吾舍諸晉陽午許諾
歸告其父兄父兄皆曰不可衛是以爲邯鄲而冀諸晉陽
絕衛之道也不如侵齊而謀之乃如之而歸之于晉陽趙
孟怒召午而囚諸晉陽使其從者說劍而入涉賓不可乃
使告邯鄲人曰吾私有討於午也二三子唯所欲立遂殺
午趙稷涉賓以邯鄲叛夏六月上軍司馬籍秦圍邯鄲邯
鄲午荀寅之甥也荀寅范吉射之姻也而相與睦故不與

圍鄆將作亂董安子聞之告趙孟曰先備諸趙孟曰晉國有命始禍者死爲後可也安子曰與其害於民寧我獨死請以我說趙孟不可秋七月范氏中行氏伐趙氏之宮趙鞅奔晉陽晉人圍之

左傳

孔子聞趙簡子不請晉君而執邯鄲午保晉陽故書春秋曰趙鞅以晉陽畔

史記趙世家

案此條司馬遷以爲孔子特筆竊謂亦因魯史舊文而其義則有闕耳

冬晉荀寅士吉射入于朝歌以叛

荀寅下公
有及字

范臯夷無寵於范吉射而欲爲亂於范氏梁嬰父嬖於知文子文子欲以爲卿韓簡子與中行文子相惡魏襄子亦與范昭子相惡故五子謀將逐荀寅而黜梁嬰父代之逐范

吉射而以范臯夷代之荀躒言於晉侯曰君命大臣始禍者死載書在河今三臣始禍而獨逐鞅刑已不鈞矣請皆逐之冬十一月荀躒韓不信魏曼多奉公以伐范氏中行氏弗克二子將伐公齊高彊曰三折肱知爲良醫唯伐君爲不可民弗與也我以伐君在此矣三家未睦可盡克也克之君將誰與若先伐君是使睦也弗聽遂伐公國人助公二子敗從而伐之丁未荀寅士吉射奔朝歌

左傳

子路問於孔子曰賢君治國所先者何子曰在於尊賢而賤不肖子路曰由聞晉中行氏尊賢賤不肖矣其亡何也子曰中行氏尊賢而不能用賤不肖而不能去賢者知其不用而怨之不肖者知其必已賤而讐之怨讐並存於國鄰敵其於

郊中行氏雖欲無亡豈可得乎

家語

中行文子得罪于晉出奔朝歌從者曰謂此嗇夫者君子人也胡不休馬待後車者文子曰吾好音此子遺吾琴好佩又遺吾玉是以不振吾過自容於我者也吾恐其以我求容也遂不入後車入門文子問嗇夫之所_三而殺之入朝歌仲尼聞之曰中行文子背道失義以亡其國然後得之猶活其身道不可遺也若此

說苑

晉趙鞅歸于晉

韓魏以趙氏爲請十二月辛未趙鞅入于絳盟于公宮

左傳

案此三家分晉之始惜乎孔義失傳公羊云以地正國也穀梁云貴以其地反也皆鄙倍不可訓

薛弑其君比

林註比弑惠公夷立

十有四年

春衛公叔戌來奔衛趙陽出奔宋

衛趙陽公穀俱作晉趙陽

初衛公叔文子朝而請享靈公退見史鰌而告之史鰌曰子

必禍矣子富而君貪罪其及子乎文子曰然吾不先告子

是吾罪也君既許我矣其若之何史鰌曰無害子臣可以

免富而能臣必免於難上下同之戌也驕其亡乎富而不

驕者鮮吾唯子之見驕而不亡者未之有也戌必與焉及

文子卒衛侯始惡於公叔戌以其富也公叔戌又將去夫

人之黨夫人愬之曰戌將爲亂春衛侯逐公叔戌與其黨

故趙陽奔宋戌來奔

左傳

仲尼曰史鰌有君子之道三不仕而敬上不祀而敬鬼直能曲

於人 說苑

子問公叔文子於公明賈曰信乎夫子不言不笑不取乎公明賈對曰以告者過也夫子時然後言人不厭其言樂然後笑人不厭其笑義然後取人不厭其取子曰其然豈其然乎 論語

二月辛巳楚公子結陳公孫佗人帥師滅頓以頓子牂歸 公作三月

孫作子
牂作牂

夏衛北宮結來奔

五月於越敗吳于檣李吳子光卒 楊公作辭

吳伐越越子勾踐禦之陳于檣李勾踐患吳之整也使死士

再禽焉不動使罪人三行屬劍於頸而辭曰二軍有治臣

奸旗鼓不敏於君之行前不敢逃刑敢歸死遂白劉也師
屬之目越子因而伐之大敗之靈姑浮以戈擊闔廬闔廬
傷將指取其一屨還卒於陘去構李七里夫差使人立於
庭苟出入必謂已曰夫差而忘越王之殺而父乎則對曰
唯不敢忘三年乃報越

左傳

義見隱五年宋
人伐鄭圍長葛

公會齊侯衛侯于牽

牽公作堅又作擊
齊魯爲會止此

晉人圍朝歌公會齊侯衛侯于脾上梁

杜註
卽牽

之間謀救范

行氏析成鮒小王桃甲率狄師以襲晉戰于絳中不克而

還士鮒奔周小王桃甲入于朝歌

左傳

晉史後
卷

公至自會

秋齊侯宋公會于洮

范氏故也

左傳

案家氏鉉翁曰傳謂奎洮二會皆謀救范中行若爾四國相率而預於亂也義同隱四年宋公陳侯蔡人衛人伐鄭

天王使石尚來歸賑

王朝交魯止此

衛世子蒯聵出奔宋

衛侯爲夫人南子召宋朝會于洮太子蒯聵獻孟子于齊過宋

野野人歌之曰既定爾婁豬盍歸吾艾殺太子羞之謂戲

陽還曰樂毅少君少君見我我顧乃殺之速曰諾乃

朝夫人夫人曰太子太子三顧速不進夫人見其色啼而

走曰蒯聵將殺余公執其手以登臺太子奔宋盡逐其黨

故公孟彊出奔鄭自鄭奔齊太子告人曰戲陽速禍余戲陽速告人曰太子則禍余太子無道使余殺其母余不許將戕於余若殺夫人將以余說余是故許而弗爲以紓余死諺曰民保於信吾以信義也

左傳

家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟夫夫婦婦而家道

正正家而天下定矣

易家傳

衛公孟彊出奔鄭

宋公之弟辰自蕭來奔

大蒐于比蒲

大蒐止此

案汪氏克寬云其事在冬恩謂是年無冬史闕文也義同夏五

邾子來會公

城莒父及霄

十有五年

春王正月邾子來朝

春邾隱公來朝子貢觀焉邾子執玉高其容仰公受玉卑其容俯子貢曰以禮觀之二君者皆有死亡焉夫禮死生存亡之體也將左右周旋進退俯仰於是乎取之朝祀喪戎於是乎觀之今正月相朝而皆不度心已亡矣嘉事不體何以能久高仰驕也卑俯替也驕近亂替近疾君爲主其先亡乎

左傳

義見後五月公薨于高梁

麋鼠食郊牛牛死改卜牛

義見成七年麋鼠食郊牛角改卜牛麋鼠又食其角乃免郊

二月辛丑楚子滅胡以胡子豹歸

夏五月辛亥郊

義見成十七年九月辛丑用郊

壬申公薨于高寢

杜註不於路寢失其所

夏五月壬申公薨仲尼曰賜不幸言而中是使賜多言者也左傳

鄭罕達帥師伐宋

罕公作軒

齊侯衛侯次于渠蔭

公作蘧蔭

邾子來奔喪

杜註諸侯奔喪非禮

秋七月壬申姒氏卒

姒穀作弋

八月庚辰朔日有食之

九月滕子來會葬

杜註諸侯會葬非禮

丁巳葬我君定公雨不克葬戊午日下昃乃克葬

昃穀作稷

辛巳葬定姒

公羊曰有子則廟廟則書葬曾子問並有喪則如之何子曰葬

先輕而後重其奠也其虞也先重而後輕

春秋胡傳

春秋義存錄第十一卷

終

春秋義存錄第十二卷

平湖後學陸奎勲輯

金閶門孫呂榮嶠巨山校

哀公

名蔣定公子在位二十七年十四年西狩獲麟春秋終焉

周敬王二十六年歲在強圉協洽

元年

春王正月公卽位

三年除喪乃卽位統事以發號令故天子諸侯凡三年卽位終始之義乃備所以諒陰三年卒孝子之道也故論語曰古之人
皆然君薨百官總已聽於冢宰三年

白虎通

哀公年卽位周襄之變禮也魯十二公書卽位者凡八皆未合於古制

楚子陳侯隨侯許男圍蔡

隨許復見事皆由楚

鼯鼠食郊牛改卜牛夏四月辛巳郊

郊牛下穀有角字

案胡傳云鼯鼠食郊牛改卜牛志不敬也夏四月郊書不時也餘義見傳三十一年第一條

秋齊侯衛侯伐晉

齊侯衛侯會于乾侯救范氏也師及齊師衛孔圉鮮虞人伐

晉取棘蒲

左傳

義見定十四年齊侯宋公會于澠

冬仲孫何忌帥師伐邾

二年

春王二月季孫斯叔孫州仇仲孫何忌帥師伐邾取濶東門及

沂西田癸巳叔孫州仇仲孫何忌及邾子盟于句澤

內外盟止此

義同昭十六年齊侯伐徐

夏四月丙午衛侯元卒

初衛侯遊於郊子南僕公曰余無子將立女不對他日又謂之對曰郢不足以辱社稷君其改圖君夫人在堂三揖在下君命祗辱夏衛靈公卒夫人曰命公子郢爲太子君命也對曰郢異於他子且君沒於吾手若有之郢必聞之且亡人之子輒在乃立輒

左傳

哀公問於孔子曰當今之君孰爲最賢孔子對曰丘未之見也抑有衛靈公乎公曰吾聞其閨門之內無別而子次之賢何也孔子曰臣語其朝廷行事不論其私家之際也公曰其事何如孔子對曰靈公之弟曰公子渠牟其智足以治千乘其信足以守之靈公愛而任之又有士林國者見賢必進之而

退與分其祿是以靈公無游放之士靈公賢而尊之又有士
曰慶足者國有大事則必起而治之國無事則退而容賢靈
公悅而敬之又有大夫史鰌以道去衛而靈公郊舍三日必
待史鰌之入而後敢入臣以此取之不亦可乎

家語

靈公夫人有南子者使人謂孔子曰四方之君子不辱欲與寡
君爲兄弟者必見寡小君寡小君願見孔子辭謝不得已而
見之夫人在絺帷中孔子入門北面稽首夫人自帷中再拜
環珮玉聲璆然孔子曰吾鄉爲弗見見之禮答焉子路不說
孔子矢之曰予所不者天厭之天厭之居衛月餘靈公與夫
人同車宦者雍渠參乘出使孔子爲次乘招搖市過之孔子
曰吾未見好德如好色者於是醜之去衛過曹

史記孔子也

家

滕子來朝

滕朝止此諸侯來朝亦止此

晉趙鞅帥師納衛世子蒯聵于戚

六月乙酉晉趙鞅納衛太子于戚宵迷陽虎曰右河而南必

至焉使太子綽八人衰經偽自衛逆者告于門哭而入遂

居之

左傳

義見三年圖戚

秋八月甲戌晉趙鞅帥師及鄭罕達帥師戰于鐵鄭師敗績鐵公

晉書又

冬十月葬衛靈公

七月而葬亂故

十有一月蔡遷十州來蔡殺其大夫公子駟

遷國止此

三年

春齊國夏衛石曼姑帥師圍戚

杜註曼姑爲子國父知其不義故推齊使爲兵首

春齊衛圍戚求援於中山

左傳

冉有謂子貢曰夫子爲衛君乎子貢曰諾吾將問之入曰伯夷

叔齊何人也曰古之賢人也曰怨乎曰求仁而得仁又何怨

出曰夫子不爲也

論語

子路曰衛君待子而爲政子將奚先子曰必也正名乎子路曰有是哉子之迂也奚其正子曰野哉由也君子於其所不知蓋問如也名不正則言不順言不順則事不成事不成則禮樂不興禮樂不興則刑罰不中刑罰不中則民無所措手足故君子名之必可言也言之必可行也君子於其言無所苟

而已矣

同上

夏四月甲午地震

哀公問於孔子曰夫國家之存亡禍福信有天命非唯人也孔子對曰存亡禍福皆已而已天災地妖不能加也故天災地妖所以儆人主者也寤夢徵怪所以儆人臣者也災妖不勝善政寤夢不勝善行能如此者至治之極也惟明王達此

語

五月辛卯桓宮僖宮災

夏五月辛卯司鐸火火踰公宮桓僖災救火者皆曰顧府南宮敬叔至命周人出御書俟於宮曰庀女而不在死子服景伯至命宰人出禮書以待命命不共有常刑校人乘馬巾車脂

韜百官官備府庫慎守官人肅給濟濡帷幕鬱攸從之蒙葦
公屋自太廟始外內以悛助所不給有不用命則有常刑無
赦公父文伯至命校人駕乘車季桓子至御公立於象魏之
外命救火者傷人則止財可爲也命藏象魏曰舊章不可亡
也富父槐至曰無備而官辦者猶拾瀋也於是乎去表之橐
道還公宮孔子在陳聞火曰其桓僖乎左傳

孔子在陳陳侯就之燕遊焉行路之人云魯司鐸災及宗廟以
告孔子子曰所及者其桓僖之廟陳侯曰何以知之子曰禮
祖有功而宗有德故不毀其廟焉今桓僖之親盡矣又功德
不足以存其廟而不毀是以天災加之三日魯使至問焉則
桓僖也陳侯謂子貢曰吾乃今知聖人之可貴對曰君今知

之可矣未若專其道而行其化之善也

家語

書曰惟萬民之望上甲微定公問曰此何謂也孔子對曰此謂親盡廟毀有功而不及祖有德而不宗故於每歲之大嘗而報祭焉所以昭其功德也公曰先君僖公功德前行可以與於報乎孔子曰臣聞昔虞夏商周以帝王行此禮者則有矣自此以下未之知也

孔叢子

季孫斯叔孫州仇節節城啓陽

啓公作開

魯宣公問於孔子曰鄙諺云莫衆而迷今寡人舉事與羣臣慮之而固愈亂其故何也孔子對曰明主之問臣一人知之一臣不知也如是者明主在上羣臣直議於下今羣臣無不一辭同執乎季孫者舉魯國盡化爲一君雖問境內之人猶不

免於亂也

韓非子

宋樂髡帥師伐曹

秋七月丙子季孫斯卒

秋季孫有疾命正常曰無死南孺子之子男也則以告而立之女也則肥也可季孫卒康子卽位旣葬康子在朝南氏生男正常載以如朝告曰夫子有遺言命其圉臣曰南氏一男則以告於君與大夫而立之今生矣男也敢告遂奔甯康子請退公使共劉視之則或殺之矣乃討之召正常

正常不反

左傳

曾子問曰喪有二孤廟有二主禮與孔子曰天無二日土無二王嘗禘郊社尊無二上未知其爲禮也昔者齊桓公亟舉兵

作僞主以行及反藏諸祖廟廟有二主自桓公始也喪之二

孤則昔者衛靈公適魯

案靈公卒于二年四月疑靈字或出字之訛

遭季桓子之

喪衛君請弔哀公辭不得命爲主人客入弔康子立於門右

北面公揖讓升自東階西鄉客升自西階弔公拜興哭康子

拜稽顙於位有司弗辯也今之二孤自季康子之過也

曾子

問

季桓子喪康子練而無衰子游問於孔子曰旣服練服可以除

衰乎孔子曰無衰衣不以見賓何以除焉

家語

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾

案許氏翰云句釋之盟距年之魯之棄
信亦甚矣義見桓十二年及鄭師伐宋

四年

春王二月庚戌盜殺蔡侯申

公作三月殺
公穀作弑

案杜氏預以稱盜為賤家氏鉉翁謂亂黨衆不容悉書其
說尤當胡傳專責蔡侯而於弑君者有恕辭於義疎矣

蔡公孫辰出奔吳

葬秦惠公

宋人執小邾子

義同僖十九
年宋人圍曹

夏蔡殺其大夫公孫姓公孫霍

晉人執戎蠻子赤歸于楚

蠻公
作曼

城西郭

杜註備
晉也

六月辛丑亳社災

亳公作蒲

亳社者亳之社也亳亡國也亡國之社以為廟屏戒也其屋

亡國之社不得達上也穀梁傳

哀公問社於宰我宰我對曰夏后氏以松殷人以柏周人以栗

曰使民戰栗子聞之曰成事不說遂事不諫既往不咎

論語

案哀公之問因亳社災有懼心焉

秋八月甲寅滕子結卒

冬十月二月葬蔡昭公

記故葬緩

葬滕頃公

五年

春城睢

睢公作比又作庇

齊侯伐宋

晉趙鞅帥師伐衛

秋九月癸酉齊侯杵臼卒

杵公作處

齊燕姬生子不成而死諸子鬻奴之子荼嬖諸大夫恐其爲太子也言於公曰君之齒長矣未有太子若之何公曰二三子間於憂虞則有疾疾亦姑謀樂何憂於無君公疾使國惠子高昭子立荼寘羣公子于萊秋齊景公卒冬十月公子嘉公子駒公子黔奔衛公子鉏公子陽生來奔萊人歌之曰景公死乎不與埋三軍之事乎不與謀師乎師乎何黨之乎

左傳

齊景公問政於孔子孔子對曰君君臣臣父父子子公曰善哉

信如君不君臣不臣父不父子不子雖有粟吾得而食諸語

案趙鵬飛春秋經筌云知之非難行之爲難景公問聖人之言知父子君臣之義而不能正卒以成田氏之亂真庸懦不足與有爲也余故引此條以補春秋之義

齊景公有馬千駟死之日民無得而稱焉伯夷叔齊餓於首陽之下民到於今稱之詩云誠不以富亦祇以異其斯之謂與同上

案崔杼弑齊莊而立景公失賊不討虧第道矣此一條特果夷齊並論且有死之日三字其爲杵臼卒之義無疑
冬叔還如齊

閏月葬齊景公

案公羊云喪以閏數也不及穀梁不正其閏之說於義爲近

六年

春城邾瑕瑕公作瑕城築此

晉趙鞅帥師伐鮮虞

吳伐陳

復修舊怨也楚子曰吾先君與陳有盟不可以不救乃救陳

師於城父左傳

美見十年楚公子結伐陳吳救陳

夏齊國夏及高張來奔

叔還會吳于柎魯公會吳之始

秋七月庚寅楚子軫卒

秋七月楚子在城父將救陳卜戰不吉卜退不吉王曰然則死

也再敗楚師不如死棄盟逃讐亦不如死死一也其死讐乎
命公子申爲王不可則命公子結亦不可則命公子啓五辭
而後許將戰王有疾庚寅昭王攻大冥卒於城父子問退曰
君王舍其子而讓羣臣敢忘君乎從君之命順也立君之子
亦順也二順不可失也與子西子期謀潛師閉塗逆越女之
子章立之而後還是歲也有雲如衆赤鳥夾日以飛三日楚
子使問諸周太史周太史曰其當王身乎若禳之可移於令
尹司馬王曰除腹心之疾而寘諸股肱何益不穀不有大過
天其大諸有罪受罰又焉移之遂弗禳初昭王有疾卜曰河
爲祟王弗祭大夫請祭諸郊王曰三代命祀祭不越望江漢
睢漳楚之望也禍福之至不是過也不穀雖不德河非所獲

罪也遂弗祭孔子曰楚昭王知大道矣其不失國也宜哉夏書曰惟彼陶唐帥彼天常有此冀方今失其行亂其紀綱乃滅而亡又曰允出茲在茲由已率常可矣

左傳

齊陽生入于齊齊陳乞弑其君荼

茶公作舍

陳僖子使召公子陽生陽生駕而見南郭且子曰嘗獻馬於季孫不入於上乘故又獻此請與子乘之出萊門而告之故闕止知之先待諸外公子曰事未可知反與子也處戒之遂行逮夜至於齊國人知之僖子使子士之母養之與饋者皆入冬十月丁卯立之將盟鮑子醉而往其臣差車鮑點曰此誰之命也陳子曰受命於鮑子遂誣鮑子曰子之命也鮑子曰女忘君之爲孺子牛而折其齒乎而背之

也悼公稽首曰吾子奉義而行者也若我不必亡一大夫若我不必亡一公子義則進否則退敢不唯子是從廢興無以亂則所願也鮑子曰誰非君之子乃受盟使胡姬以安孺子如賴去鬻姒殺王甲拘江說囚王豹於句賈之正公使朱毛告於陳子曰微子則不及此然君異於器不可以二器二不僿君二多難敢布諸大夫僖子不對而泣曰君舉不信羣臣乎以齊國之困困又有憂少君不可以訪是以求長君庶亦能容羣臣乎不然夫孺子何罪毛復命公悔之毛曰公大訪於陳子而圖其小可也使毛遷孺子于駟不至殺諸野幕之下葬諸父冒淳

左傳

與晉里克殺其君之子奚齊及其君卓子齊公子商人弑其君舍義可參觀

冬仲孫何忌帥師伐邾

義同三年
帥師圍邾

宋向巢帥師伐曹

七年

春宋皇瑗帥師侵鄭

鄭叛晉故

晉魏曼多帥師侵衛

夏公會吳于鄆

鄆穀作繒

吳與魯會繒徵百牢太宰嚭召季康子康子使子貢往然後已

孔子曰魯衛之政兄弟也

史記

秋公伐邾八月己酉入邾以邾子益來

季康子欲伐邾乃饗大夫以謀之子服景伯曰小所以事大

信也大所以保小仁也背大國不信伐小國不仁民保於城城保於德失二德者危將焉保孟孫曰二三子以爲何如惡賢而逆之對曰禹合諸侯於塗山執玉帛者萬國今存者無數十焉唯大不字小小不事大也知必危何故不言魯德如邾而以衆加之可乎不樂而出秋伐邾及范門猶聞鐘聲大夫諫不聽茅成子請告於吳不許曰魯擊析聞於邾吳二千里不三月不至何及於我且國內豈不足成子以茅叛師遂入邾處其公宮衆師盡掠邾衆保於繹師宵掠以邾子益來獻於亳社囚諸負瑕負瑕故有繹邾茅夷鴻以京帛乘韋自請救於吳曰魯弱晉而遠吳馮恃其衆而背君之盟辟君之執事以陵我小國邾非敢自愛

也懼君威之不立君威之不立小國之憂也若夏盟於鄆
衍秋而背之成求而不違四方諸侯其何以事君且魯賦
八百乘君之貳也邾賦六百乘君之私也以私奉貳唯君
圖之吳子從之

左傳

公曰用兵者其由不祥乎子曰胡爲其不祥也聖人之用兵也
以禁殘止暴于天下也及後世貪者之用兵也以刈百姓危
國家也

大戴禮

宋人圍曹冬鄭駟弘帥師救曹

八年

春王正月宋公入曹以曹伯陽歸

案宋已滅曹而孟子時有曹君之於宋者則滅之
以爲附庸未可知也義同四年宋人執小邾子

伐我

吳爲邾故將伐魯問於叔孫輒叔孫輒對曰魯有名而無情
伐之必得志焉退而告公山不狃公山不狃曰非禮也君
子違不適讎國未臣而有伐之奔命焉死之可也所託也
則隱且夫人之行也不以所惡廢鄉今子以小惡而欲覆
宗國不亦難乎若使子率子必辭王將使我子張病之王
問於子洩對曰魯雖無與立必有與蹙諸侯將救之未可
以得志焉晉與齊楚輔之是四讎也夫魯齊晉之唇唇亡
齒寒君所知也不救何爲三月吳伐我子洩率故道險從
武城初武城人或有因於吳竟田焉拘鄆人之漚管者曰
何故使我水滋及吳師至拘者道之以伐武城克之王犯

嘗爲之宰攄臺子羽之父好焉國人懼懿子謂景伯若之
何對曰吳師來斯與之戰何患焉且召之而至又何求焉
吳師克東陽而進舍於五梧明日舍於蠶室公賓庚公甲
叔子與戰於夷獲叔子與析朱鉏獻於王王曰此同車必
使能國未可望也明日舍於庚宗遂次於泗上微虎欲宵
攻王舍私屬徒七百人三踊於幕庭卒三百人有若與焉
及稷門之內或謂季孫曰不足以害吳而多殺國士不如
已也乃止之吳子聞之一夕三遷吳人行成將盟景伯曰
楚人圍宋易于而食析骸而爨猶無城下之盟我未及也
而有城下之盟是棄國也吳輕而遠不能久將歸矣請少
待之弗從景伯負載造於萊門乃請釋子服何於吳吳人

許之以王子姑曹當之而後止吳人盟而還左傳

哀公問於仲尼曰吾欲小則守大則攻其道若何仲尼曰若朝廷上下皆君之親附也君誰與攻朝廷無禮上下無親其衆皆君之讎也君誰與守哀公於是廢梁澤之禁弛關市之稅以惠民韓非子

娶齊人取讎及闕閔公

外取邑不書此何以書所以賂齊也曷爲賂齊爲以邾婁子

孫來也公羊傳

二十二年
及邾人戰于升陘

歸邾子益于邾

齊侯使如吳師師將以伐我乃歸邾子邾子又無道吳子使

太宰子餘前之囚諸樓臺梏之以棘使諸大夫奉太子革

以爲政

左傳

義同上

秋七月

冬十有二月癸亥杞伯過卒

齊人歸讎及闔

九年

春王二月葬杞僖公

三月而葬速

宋皇瑗帥師取鄭師于雍丘

鄭武子賁之嬖許瑕求邑無以與之請外取許之故圍宋雍

丘宋皇瑗圍鄭師每日遷舍壘合鄭師哭子姚救之大敗

二月甲戌宋取鄭師于雍丘使有能者無死以郊張與鄭

羅歸左傳

案定十五年鄭罕達帥師伐宋而後二國
結怨久矣義見隱五年宋人伐鄭圖長葛

夏楚人伐陳

陳卽吳故也左傳

楚伐陳焚西門使降民脩之孔子過之不軾子路問曰禮過三
人則下車二人則軾陳脩門者衆矣夫子不軾何也孔子曰
丘聞之國亡而不知不智而不爭不忠忠而不死不廉今
陳脩門者不行一於此丘故不軾也說苑

秋宋公伐鄭

冬十月

十年

春王二月邾子益來奔

公會吳伐齊三月戊戌齊侯陽生卒

杜註以疾赴故不書弒

義同襄七年鄭伯境頃卒于鄆

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒秋葬薛惠公

夷公作寅

冬楚公子結帥師伐陳吳救陳

冬楚子期伐陳吳延州來季子救陳謂子期曰二君不務德而力爭諸侯民何罪焉我請退以爲子名務德而安民乃

還左傳

案此與楚救陳同蓋志在於爭諸侯非扶危恤患之義也
延陵季子自言之矣故謂吳以號舉爲深者楚罪朱子
所云以義理爲穿鑿者也

十有一年

齊師伐我

齊師伐我故國書高無平帥師伐我及清季孫謂其宰冉求曰齊師在清必魯故也若之何求曰一子守二子從公禦諸竟季孫曰不能求曰居封疆之間季孫告二子二子不可求曰若不可則君無出一子帥師背城而戰不屬者非魯人也魯

之羣室衆於齊之兵車一室敵車優矣子何患焉二子之不
欲戰也宜政在季氏當子之身齊人伐魯而不能戰子之耻
也大不列於諸侯矣季孫使從於朝侯於黨氏之溝武叔呼
而問戰焉對曰君子有遠慮小人何知懿子疆問之對曰小
人慮材而言量力而仕者也武叔曰是謂我不成丈夫也退
而蒐乘孟孺子洩帥右師顏羽御而洩爲右冉求帥左師管
周父御樊遲爲右季孫曰須也弱有子曰就用命焉季氏之
甲七千冉有以武城人三百爲已徒卒老幼守宮次於雩門
之外五日右師從之公叔務人見保者而泣曰事克敗重上
不能謀士不能死何以治民吾旣言之矣敢不勉乎師及齊
師戰于郊齊師自稷門師不踰溝樊遲曰非不能也不信子

也請三刻而踰之如之衆從之師入齊軍右師奔齊人從之
陳瓘陳莊涉泗孟之側後入以爲殿抽矢策其馬曰馬不進
也林不狃之伍曰走乎不狃曰誰不如曰然則止乎不狃曰
惡賢徐步而死師獲甲首八十齊人不能師宵謀曰齊人遁
冉有請從之三季孫弗許孟孺子語人曰我不如顏羽而賢
於羽則子羽銳於我不欲戰而能默洩曰驅之公爲與其嬖
也莊錡果管仲死於子何能執干戈以衛社稷可無殤也
也

子何能執干戈以衛社稷可無殤也

左傳

子曰孟之反不伐奔而殿將入門策其馬曰非敢後也馬不進
也

既戰季孫謂冉有曰子之於戰學之乎性達之乎對曰學之季

孫曰從事孔子惡乎學冉有曰卽學之孔子也夫孔子者大聖無不該文武並用兼通求也適問其戰法猶未之詳也季孫說樊遲以告孔子孔子曰季孫於是乎可謂說人之有能矣

家語

夏陳轅頗出奔鄭

轅公作袁

初轅頗爲司徒賦封田以嫁公女有餘以爲已大器國人患之故出道渴其族轅咺進稻醴梁糗服脯焉喜曰每矣猶也對曰器成而具曰何不吾諫對曰懼先行

左傳

子云君子不盡利以遺民詩云彼有遺秉此有不斂穧伊懷之利故君子仕則不稼田則不漁食時不力珍大夫不坐車士不坐夫詩云采芣采芣無以下體德音莫達及管同聲

此坊民民猶忘義而爭利以亡其身

坊記

五月公會吳伐齊甲戌齊國書帥師及吳戰于艾陵齊師敗績

獲齊國書

齊魯交兵止此

秋七月辛酉滕子虞母卒

冬十有一月葬滕隱公

衛世子伋齊出奔宋

冬衛太叔疾出奔宋初齊娶於宋子朝其娣嬖子朝出孔文子使疾出其妻而妻之疾使侍人誘其初妻之娣寘於犁而爲之一宮如二妻文子怒欲攻之仲尼止之遂奪其妻或淫於外州外州人奪之軒以獻耻是二者故出衛人立遣使室孔姑疾臣向魋納美珠焉與之城鉏宋公求珠魋不與由是得

罪及桓氏出城鉏人攻太叔疾衛莊公復之使處巢死焉殯
於鄆葬於少禘初晉悼公子慙亡在衛使其女僕而田太叔
懿子止而飲之酒遂聘之生悼子悼子卽位故夏戊爲大夫
悼子亡衛人竊夏戊孔文子之將攻太叔也訪於仲尼仲尼
曰胡簫之事則嘗學之矣甲兵之事未之聞也退命駕而行
曰鳥則擇木木豈能擇鳥文子遽止之曰圉豈敢度其私訪
衛國之難也將止魯人以幣召之乃歸

左傳

子貢問曰孔文子何以謂之文也子曰敏而好學不耻下問是
以謂之文也

論語

十有二年

春用田賦

季孫欲以田賦使冉有訪諸仲尼仲尼曰丘不識也三發卒曰
子爲國老待子而行若之何子之不言也仲尼不對而私於
冉有曰君子之行也度於禮施取其厚事舉其中歛從其薄
如是則以丘亦足矣若不度於禮而貪冒無厭則雖以田賦
將又不足且子季孫若欲行而法則周公之典在若欲苟而
行又何訪焉弗聽十二年春王正月用田賦 左傳

季康子欲以田賦使冉有訪諸仲尼仲尼不對私於冉有曰求
寡欲不聞乎先王制土藉田以力而砥其遠邇賦里以入而
量其有無任力以夫而議其老幼於是乎有鰥寡孤疾有軍
旅之出則徵之無則已其歲收田一井出稷禾 六百四 秉芻
二百四 十斗 缶米 十六 不是過也先王以爲足若子季孫欲其法

也則有周公之籍矣若欲犯法則苟而賦又何訪焉

國語

季氏富於周公而求也爲之聚斂而附益之子曰非吾徒也小子鳴鼓而攻之可也

論語

夏五月甲辰孟子卒

夏五月昭夫人孟子卒昭公娶於吳故不書姓死不赴故不稱夫人不反哭故不言葬小君孔子與弔適季氏季氏不

綯放經而拜

左傳

子云取妻不取同姓以厚別也故買妾不知其姓則卜之以此坊民魯春秋猶去夫人之姓曰吳其死曰孟子卒

坊記

陳司敗問昭公知禮乎孔子曰知禮孔子退揖巫馬期而進曰吾聞君子不黨君子亦黨乎君取於吳爲同姓謂之

子君而知禮孰不知禮巫馬期以告子曰正也幸苟有過人必知之

論語

公會吳于橐皋

吳子使太宰嚭請尋盟公不欲使子貢對曰盟所以周信也故心以制之玉帛以奉之言以結之明神以要之寡君以爲苟有盟焉弗可改也已若猶可改日盟何益今吾子曰必尋盟若可尋也亦可寒也乃不尋盟

左傳

問曰吳亡而越興在天與在人乎皆人也夫差失道越亦賢矣濕易雨饑易助曰何以知獨在人乎子貢與夫子坐告夫子曰太宰死夫子曰不死也如是者再子貢再拜而問何以知之夫子曰天生宰嚭者欲以亡吳吳今未亡宰何病乎後人

來言不死聖人不妄言是以明知越霸矣

越絕書

秋公會衛侯宋皇瑗于郎

鄭公作運

宋向巢帥師伐鄭

宋鄭之間有隙地焉曰彌作頃邱玉暢出戈錫子產與宋人

爲成日勿有是及宋平元之族自蕭奔鄭鄭人爲之城

出錫九月宋向巢伐鄭取錫殺元公之孫遂圍出十二月

鄭罕達救出丙申圍宋師

左傳

義見後鄭罕達帥師取宋師于出

冬十有二月螽

冬十二月螽季孫問諸仲尼仲尼曰正聞之火伏而後蟄者畢

今火猶西流司歷過也

左傳

季康子問於孔子曰今周之十二月夏之十月而猶有蚤何也
孔子對曰正聞之火伏而後蟄者畢今火猶西流司歷過也
季康子曰所失者幾月孔子曰於夏十月火既沒矣今火見
再失閏也 家語

十有三年

春鄭罕達帥師取宋師于品

春宋向魋救其師鄭子賁使徇曰得桓魋者有賞魋也逃歸

遂取宋師于品獲成謹郤延以六邑爲虛 左傳

義同隱五年宋人伐鄭圍長葛

夏許男成卒 成公

公會晉侯及吳子于黃池 魯會諸侯止此

夏公會單平公晉定公吳夫差于黃池

左傳

黃池之會吳子進乎哉遂子矣吳夷狄之國也祝髮文身欲因
魯之禮因晉之權而請冠端而襲其藉于成周以尊天王吳
進矣吳東方之大國也累累致小國以會諸侯以合乎中國
吳能爲之則不臣乎吳進矣王尊稱也子卑稱也辭尊稱而
居卑稱以會乎諸侯以尊天王吳王夫差曰好冠來孔子曰
大矣哉夫差未能言冠而欲冠也

穀梁傳

吳王夫差將與哀公見晉侯子服景伯對使者曰王合諸侯則
伯帥侯牧以見於王伯合諸侯則侯帥子男以見於伯今諸
侯會而君與寡君見晉成爲伯矣且執事以伯召諸侯而以
侯終之何利之有焉吳人乃止旣而悔之遂囚景伯景伯謂

太宰嚭曰魯將以十月上辛有事於上帝先王季辛而畢何也世有職焉自襄以來未之改也若其不會則祝宗將曰吳實然嚭言於夫差歸之子貢聞之見於孔子曰子服氏之子拙於說矣以實獲囚以詐得免孔子曰吳子爲夷德可欺而不可以實是聽者之蔽非說者之拙也

家語

楚公子申帥師伐陳

於越入吳

六月丙子越子伐吳爲二隧疇無餘謳陽自南方先及郊吳太子友王子地王孫彌庸壽於姚自泓上觀之彌庸見姑殺之旗曰吾父之旗也不可以見讎而弗殺也太子曰戰而不克將亡國請待之彌庸不可屬徒五千王子地助之

乙酉戰彌庸獲疇無餘地獲謳陽越子至王子地守丙戌
復戰大敗吳師獲太子友王孫彌庸壽於姚丁亥入吳吳
人告敗於王王惡其聞也自剄七人於幕下

左傳

義見莊九年齊小白入于齊
父倍二年虞師晉師滅下陽

秋公至自會

晉魏曼多帥師侵衛

魏下公
無曼字

葬許元公

九月螽

冬十有二月有星孛于東方

胡傳以爲吳亡之兆其占是
也義見三年夏四月地震

盜殺陳夏區夫

區公
作強

義見襄十年監殺鄭公
子駢公子發公孫輒

十有二月螽

十有四年

春西狩獲麟

春西狩於大野叔孫氏之車子鉏商獲麟以爲不祥以賜虞人

仲尼觀之曰麟也然後取之

左傳

麟者仁獸也有王者則至無王者則不至有以告者曰有麋而
角者孔子曰孰爲來哉孰爲來哉反袂拭面涕沾袍顏淵死

子曰噫天喪予子路死子曰噫天祝予西狩獲麟孔子曰吾

道窮矣公羊傳

叔孫氏之車子曰鉏商樵於野而獲獸焉衆莫之識以爲不祥

棄之五父之衢冉有告夫子曰麇身而肉角豈天之妖乎夫
子曰今何在吾將觀焉遂往謂其御高柴曰若求之言其必
麟乎到視之果信言偃問曰飛者宗鳳走者宗麟爲其難致
也敢問今見其誰應之子曰天子布德將致太平則麟鳳龜
龍先爲之祥今宗周將滅天下無主孰爲來哉遂泣曰予之
於人猶麟之於獸也麟出而死吾道窮矣乃歌曰唐虞世兮
麟鳳遊今非其時來何求麟兮麟兮吾心憂

孔叢子

孔子受端門之命制春秋之義使子夏等十四人求周史記

得百二十國寶書九月經立

春秋感精符

孔子修春秋九月而成卜之得陽豫之卦

春秋演孔圖

案緯書所云經成九月固不足信說左氏者以春秋感麟而作作起獲麟而文止於所起學公穀者謂春秋文成致

辭嘉瑞應焉二說均屬可疑善乎朱子之言曰其不敢指
定是書成感麟亦不敢指定是感麟作此真通儒卓識可
以一流紛紛穿鑿之論矣至於西狩獲麟本屬魯史舊文
謂聖人絕筆於是沿說襲陋總由不知孔氏春秋於史文
之外別自有義也故
於篇終附論及之

附
夏四月齊陳恒執其君寘于舒州

六月齊人弑其君壬子舒州

甲午齊陳恒弑其君壬子舒州孔丘三日齋而請伐齊二公
曰魯爲齊弱久矣子之伐之將若之何對曰陳恒弑其君
民之不與者半以魯之衆加齊之半可克也公曰子告季
孫孔子辭退而告人曰吾以從大夫之後也故不敢不言
左傳

陳成子弑簡公孔子沐浴而朝告於哀公曰陳恒弑其君請

討之公曰告夫三子孔子曰以吾從大夫之後不敢不告也君曰告夫三子者之三子告不可孔子曰以吾從大夫之後不敢不告也

論語

十有五年春王正月成叛

十五年春成叛于齊武伯伐成不克遂城輪

左傳

孟氏之臣叛武伯問孔子曰如之何答曰臣人而叛天下所不容也其狀自反子姑待之三旬果自歸武伯將執之訪於夫子夫子曰無也子之於臣禮意不至是以去子今其自反罪以反除又何執焉子修禮以待之則臣去子將安

往武伯乃止

孔叢子

十有六年夏四月己丑孔丘卒

公諫之曰旻天丁此弔不懲遺一老俾屏余一人以在位執
余在疚鳴呼哀哉尼父無自律子貢曰君其不沒於魯乎
夫子之言曰禮廢失則昏名失則愆失志為昏失所為愆生
不能用死而謂諫之非禮也稱一人非名也君兩失之
孔子卒受魯君葬於橫玉葬郭之北泗水為之却流

白虎通

案復讎後一一年孔子乃卒公穀記其生左氏記其卒不
容問也諸簡謂自目所載孔子之言有合春秋之義者亦附錄
於卷末

春秋義存錄第十一 一卷終